

These notes refer to the Deddf Sgorio Hylendid Bwyd (Cymru) 2013 (c.2) which received Royal Assent on 4 Mawrth 2013

DEDDF SGORIO HYLENDID BWYD (CYMRU) 2013

EXPLANATORY NOTES

SYLWEBAETH AR YR ADRANNAU

Adran 21 – Cosbau penodedig

39. Mae adran 21 yn galluogi swyddog awdurdodedig i awdurdod bwyd i ddyroddi hysbysiad cosb benodedig (HCB) i berson y mae ganddo reswm i gredu ei fod wedi cyflawni trosedd o dan y Ddeddf. Caiff swyddog awdurdodedig gynnig cyfle i'r person hwnnw fodloni unrhyw atebolrwydd i gollfarn am y drosedd drwy dalu cosb benodedig. Os na thelir y gosb benodedig, bydd yr awdurdod bwyd yn cadw'r p#er i erlyn. Mae'r adran hon hefyd yn cyflwyno Atodlen 1.
40. Mae Rhan 1 o Atodlen 1 yn nodi'r weithdrefn ar gyfer hysbysiadau cosb benodedig a lefelau cosbau penodedig sy'n daladwy mewn cysylltiad â throredd o dan y Ddeddf. Mae paragraffau 1 a 2 yn darparu y dylai'r hysbysiad cosb benodedig fod yn £200 i'w dalu o fewn 28 niwrnod, gyda chosb ddisgownt o £150 os telir yr hysbysiad cosb benodedig o fewn 14 diwrnod. Caiff Gweinidogion Cymru wneud rheoliadau i ragnodi swm gwahanol ar gyfer y gosb neu'r gosb ddisgownt.
41. Mae rhan 2 o Atodlen 1 yn gwneud darpariaeth o ran ffurf a chynnwys hysbysiadau cosb benodedig.